

Bouxcuengh Guengjsae Doenggvaq Sibinz Yiengq Daengx Guek Beksingq Baiqnienz

广西壮族通过视频向全国人民拜年

1 nyied 25 hauh, aen sibinz “Bouxcuengh Guengjsae yiengq daengx guek beksingq baiqnienz” youq Gvangjsih Minzcuz Vwnzvuzyen loeg baenz. Aen sibinz neix dangguh Guekgya Minzvej guenfueng veihsin loegsiengq guek raeuz 56 aen minzcuz baiqnienz sibinz ndeu. Youz Gvangjsih Sam Nyied Sam Cazcise, boubboqyaem Vahcuengh Guengjsae Densidaiz caeuq bouxcanghwen Bouxcuengh daengj 6 boux vunz, daenj gij ndangdaenj minzcuz, yungh Vahcuengh byauhcuinj caeuq Bujdunghva yiengq daengx guek beksingq baiqnienz, hoh gyoengq beixnuengx bi moq fanhsaeh habhoz hab’ ei, ndangcangq vuenyungz. Sibinz youq Guekgya Minzvej guenfueng veihsin bingzdaiz boqok, gyoengq bouxyawj haenh ndei raixcaix.

(Veiz Yinyiz/韦运益)



▲ Gyoengqvunz camgya loegsiengq haenx hab’ ingi.



▲ Swcigih Minzcunghvej Sevei Fazcanj Cu fucucangj Cinz Fungcenj (boux cungq-gyang) sonyinx loegsiengq.



▲ Dah lwgsau Mauznanzcuz ciengq Gomauznanz Liuhlanghle.

Vanzgyangh: Mbanjbya’iq Hix Miz “Dacunhvanj”

环江:小山村也有“大春晚”

1 nyied 30 hauh, rumzbaek ffw, hoeng Vanzgyangh Mauznanzcuz Swciyen Ya’ nanz Yang Bohconh Cunh Mbanjgauhconh cix dwg yinhyangj bauqreng caez yiengj, sing riu sing angq roksasa. Laxlawz dwg Mbanjgauhconh 2017 nienz ndwencieng lienzvuenh vanjvei youq gizneix cingqsik hoengh yienj.

Mbat vanjvei neix gungh miz 21 aen cezmuz, gyoengq “yenjyenz” aen gyaqsei de cibfaen hung’ ak, mboujdan miz aen mbanj bonjfaenh gyoengq vunzmbanj dauqma cunz vunzranz haenx, lij miz seiqhenz song aen mbanj Sunghyen caeuq Songhyinz gyoengq beixnuengx daeuj doxbang. Nienzgeij miz vunzlaux roet caetcib bi, iq miz daengz lwgnyez caet bet bi, boubboux cungj caezsim guh ndei aen vanjvei neix, hawj daengx mbanj caeuq seiqhenz geij aen mbanj gyoengq vunzlai ndaej yawj ciengz “cunhvanj” ndei yawj he.

(Veiz Yui/韦睿)

Cingsih Minzsuz Gouzfuk Hoengh Ciengmoq

靖西民俗祈福闹新春

2 nyied 3 hauh(ciang cocaet), Cingsih Si gawjbanh “minzsuz gvaqcieng gouzfuk daih youzbyaij” vwnzva hozdung, miz fouxlungz, fouxsaecij, dap daizheiq, guh daeng’ va daengj miz dangdieg minzsuz conzdungj cezmoz,

itgungh miz 10 aen minzsuz biujyienj fanghdui camgya, vih vunzlai caeuq hekyouz soengq hwnj donq ngaiz vwnzva ndei yawj he.

(Vangz Anhcungh/黄安忠)



▲ Dah lwgsau neix biujyienj daemj man.



▲ Daeng’ va guek onj minz an.

Lungzswng: Minzsuz Mbanjdung Angq Nauh Cieng

龙胜:侗寨民俗“闹”新春

2 nyied 2 hauh, Lungzswng Gak Cuz Swciyen Bingzdwngj Cin Gvangjnanz Cunh gawjhenz cietlaeuzgyong vwnzva nem fanh vunz angqhoh ndwencieng hozdung. Dangdieg Dungcuz beixnuengx daenj buh moq vaq moq comz youq aen laeuzgyong Mbanjdung gawjhenz fouxlungznywj, vaiz nauh cin, boq

venz caijdangz caeuq ndaek bizbaz ciengqgo diuqfoux daengj daegsaek minzsuz hozdung, yinx ndaej haujlai hekyouz caeuq vunzlai daeuj angq nauh ndwencieng.

(Banh Cisiengz/潘志祥 Vangz Yungj-danh/黄勇丹)



▲ Fanh vunz angq gvaq cieng.



▲ Ndwencieng vaiz nauh cin.